


鷺林學士詩集

七十一之三

和書門類	二〇六四三	函號	九九三	架	九	冊	一〇三
------	-------	----	-----	---	---	---	-----

內閣文庫	和書類	二〇六四三	函號	九九三	架	九	冊	一〇三
------	-----	-------	----	-----	---	---	---	-----

內閣文庫	番號	和 20643
	冊數	103 ( 84 )
	函號	205 163





鵝峰先生林學士詩集卷第七十一

淺草文庫

向陽續集十九

或曰林氏寬文集  
寬文六年三月至同年十二月

入門看花

三月十五夕遊太田備牧之宅看花標八題探闢  
得之

花外高門迎客開千枝萬朶錦成堆滿蹊雲簇多車  
轍蜂蝶追隨長者來

綠淨春深

三月二十五日  
酒井匠作水亭

鳴鳩乳燕暮春遊綠水深青樹影浮應是蘭亭餘物

色茂林脩竹夾清流

八入楓

同席探園中  
四物得之

不待秋霜葉染時驚看錦樹兩三枝春雲呈瑞堯紅  
色八入揚光八彩眉

鍋島加賀守直能肥之前州采地櫻岡標題二十  
景十境余依其求賦二景一境其餘各分配之群  
作每境加小序

櫻岡花雲

岡櫻爛爛彩雲飛錯綜成章帝杼機花似春衣振干

似金枝玉葉共相輝

松尾霜葉

霜葉染成秋色宜纈林露出舊叢祠楓人似勸木公  
醉一入紅粧百尺姿

金立秦祠

金立遺蹤西水滸曾聞徐市暫留船齋書幸避虎狼  
國覓藥遙望烏卯天宮構阿房纔二世祠存殊域已  
千年渺茫雲浪熊峰隔仙駕追風乃息焉

偕樂門

三言并引

栖遲于此推敲于此立而遠望人則佳境獨樂不  
若與衆是人之常情況其古之人與民偕樂故能  
樂也今其名之職此之由

茅不塞柴掃塵山當戶船泊津晚潮封出日賓闔於  
夕關自晨松可倚竹成隣馬以繫鹿相馴花迎客月  
送入歌一曲酒三巡部下士域中民樂其樂親其親

丙午三月二十九日故姬路拾遺君小祥忌不

堪追懷賦絕句一章以漏餘哀

百卉園中朝露晞春過花落失光輝惜花猶待明春

至君去周年何日歸

從四品刑部大卿源君襲封姬路賜官暇歸

播陽踰月之後遐想不已漫作一絕聊演賀儀

遙寄呈焉

山川依舊領金華餘慶傳貽積善家夏木千章新綠

茂時維品物可亨嘉丙午孟夏朔

園林夏淺得四字

新葉換花小園賁林淺猶未窮幽邃坐愛千朶綠陰

踈滿蹊今何問黃四

孟夏七日游建丹牧染井別墅賦即景二首

偶被亂風勾引來園中並列小雀鬼獨吟不存僕夫  
猪意馬揚揚豈虺虺

幽處乾坤靜忘勞暫退公草分平野綠楓借晚秋紅  
群秀稚松嶺細香脩竹風鸞殘深樹上鶻養小籠中  
賴政墨痕遺惠崇畫手工仰看虹一道落作主人弓

紅藥當階

四月二十一日  
會于弘文書院

有色有香相共佳揚州名種遣風懷花中宰相讓蕭  
相未上殿頭猶立階

又

階前芍藥競研姿名與落花無等差紅萼殿春開幾  
日這邊棠葉筭來知

藝陽士人秦勝成乙巳之夏從其邦君東來寄  
鯉素添鷓鴣賀國史之編修問起居之安否然  
館事無監繼有瘴疾之患不投回簡頗似疎懶  
今春勝成自到館中賦絕句乞雌黃欲和而不  
果歷日而忘焉頃聞其西歸期迫不能默止偶  
得休暇口占一首以代飲禰云爾

故國路千里征鞍曉月邀  
遠望雖隔歲跋及不崇朝  
若木東方曙浪華西水遥  
歸兮客愁散青顧綠陰喬

浪華者浪速今難波也見神武紀

綠陰日長五月朔泊庸小集無題

新葉成陰綠四圍  
凱風日靜透單衣  
園林騰茂淹留久  
鳥亦友于猶未歸

細雨魚兒出同日即席

細細淋淋一面池  
隊群游躍小鱗而  
問渠緣底悟無餌  
不畏雨絕如釣絲

焦遂同席探飲中八仙得之

危言驚破四筵人  
五斗澆胸顏似春  
酒帝若揚雄辯士  
醉鄉帶印擬儀秦

泊即池畔杜鵑花開時  
偶聽杜鵑乃倉卒走筆  
帶露開敷池水邊  
摩雲啼破雨中天  
鳥為來客花為主  
同氣相求兩杜鵑

史館之暇應泊即之招  
見園池雙鳧託比興之  
意以賀主人新婚云爾

雙鳧在水其翼之比以游以泳彼此樂只

雙鳧在深自西自東摯而有別一雌一雄  
維池之繞雙鳧相俱真成好匹可以携雛

雙鳧三章章四句

端午口占

移家三十二端午筭日萬千五百餘滿架書齊年日  
數芸香難拂白衣魚

杜子美駢驢圖

建部主水求  
之野節為介

千秋嶺雪百花潭此老平生佳句耽蜀道行過難又  
易一驢雖蹇利西南

新亭喜雨詩 井序

詩曰迨天之未陰雨徹彼桑土綢繆牖戶野氏之  
子篤溫清服勞齡近而立未有室家丙午季春占  
數十弓之地營五車書之室維日之長羣工左偏  
陰雨未迨手自拮据無漂搖之慮有落成之速可  
謂得天之時正是協詩之旨若推言之則家業之  
務察其氣運餘力之學知其日新而其効可見其  
名可聞也及夏之孟移家而後綠樹陰濃欣欣迎  
入黃梅雨催滴滴同參五月之薰可以招涼十年

之燈可以繼晷嗚呼鈞是雨也前之未雨在彼時  
 則可喜今之有雨於此時亦可喜也是月七日史  
 館旬暇應嘉招會新築揭新亭喜雨為題聊寓蘇  
 公名亭之字倣幽人餘滴之語云爾其詩曰  
 主人心匠日居多一簣功成新雨過檐滴絲絲響盈  
 耳雲斤斂手調雲和

長松夏寒

同席

曾冒嚴寒積雪難綠陰擎蓋倚雲端松風五月天風  
 起百尺枝高月窟寒

遠寺晚鐘

高澤請贊

殷殷自西耶自東斜陽回首耳先通聽熒上界在何  
 處十八聲傳一面風

五月十三日會諸負于家塾以夏教以詩為題  
 讀了二南周已東日長不倦訓童蒙夏絃何慣蟬聲  
 噪一曲迎涼穆若風

同日探詠史三十題余得五作

涿鹿

涿鹿霧飛風勢高皇軍野戰敵皆鏖一弧一矢威天



下穿破銅頭鐵額牢

湘川

南狩不歸招帝魂  
湘雲萬里水潺湲  
淚痕染出斑斑  
竹雨洗浪海紋尚存

召陵

自北馳南風馬牛  
吕公貽厥幾孫謀  
召陵一問僭王  
罪江漢諸侯知有周

豫讓橋

恨在趙家無顧身  
主恩雖舊箇忠新  
擊衣勢壓鐵椎

勢歆羨圮橋進履人

澠池

澠池盟會史官書  
趙璧完還恨有餘  
瑟在聲無輕重  
響強秦却欠一相如

狗庸小集摘胡曾詠史探得六題

鴻溝

一分屬項一分劉  
割據約成兵暫休  
隆準終嫌遺虎  
患重瞳謾許限鴻溝

番禺

南海僭王橫一方任佗劉項競強梁若非陸賈奉明  
詔不識中州有漢皇

河梁

一返劉家一沒胡莫言彼此似雙鳧五言餞別河梁  
句萬里旌忠麟閣圖

昆陽

百萬雲連勢蔽天將軍欺天突中堅昆陽奮戰三千  
士炎德重熙二百年

玉門關

遠征西域隔畿寰萬里封侯萬里艱范蠡扁舟何可  
羨功成歸去玉門關

穎川

好是荀陳為主客八龍二難共寧馨漢家日月末光  
薄却指穎川觀德星

題山家圖示荒長興

六月朔

一路通小徑小徑屋相比屋上重山繞山繞氣勢奇  
山上又有山山山有相差此雖高於彼指天此亦卑  
維天唯一大一大無際涯積小不至大一大何以知

說與初學者進步亦如斯

夏菊 六月九日  
或入席

一朵先秋色既勻東籬偏愛露光新  
叢金生水洗塵暑花似清風來故人

丙午六月十四日野節雅集探胡曾詠史得三題

銅雀臺

氣勢回天漢鼎遷雀臺高築仰巍然臺空人去雀何在  
瓦硯長於日域傳

南陽

梁甫吟成樂只且豈圖三顧枉停車臥龍化作躍龍  
去雲起南陽一草廬

八公山

淮淝太捷強胡走驚畏八公兵似林可惜卯金移祚  
日此山草木却無心

丙午六月二十一日外舅荒川宗竹叟病没于  
洛陽之宅歷七日訃達武之忍岡我幼時爲外  
祖被愛育叟其主器而先妣孔懷甚厚乃非尋  
常戚里之比也聞訃悵然不堪追憶滴悲淚漏

哀情作挽詩一章遙附便風弔慰其諸子

先妣同胞豈不思訃音驚起淚淋漓從前武野遙瞻  
戀今則渭陽長別離三歲增加萃甲子一身分附十  
男兒人隨徂暑去何處泣向秋風日日悲

瘡後口占 七月十八日

熱散寒除復本身館中闕務一周旬艾年既近疾先  
冒投筆暫輸強壯人

丙午孟秋修營城下本宅使懇移居焉作一絕  
示之

考室移居慶有餘貽謀長是得聲譽世間屋裏楊州  
外唯有家傳充棟書

中秋 探水路疑霜雪林  
樓見羽毛得水字

今宵端正人皆視十一回圓不可比四方四隅三五  
天月似洪範出洛水

又得疑字

一歲佳期一夕宜南樓玩月撚吟髭圓輪環轍地中  
影謾作金蟆玉兔疑

弔伊紉居母喪

朔風撼樹凜雙眸空倚寒窓涕泗流春近雖看穿土  
草北堂人去不長憂丙午臘末

我鸞先生林學士詩集卷第七十一終

我鸞先生林學士詩集卷第七十二

向陽續集二十或曰林氏寬文集  
寬文七年正月至同年八月

丁未元日口號

長子今亡老然遺見花聽鳥共催悲傷春未已口無  
句齡及達夫初作詩

又

世上園花逐日繁身如枯木半心存半心枯失猶存  
養不漏春風雨露恩

又

維昔團欒共賞春今唯一子侍雙親林家僅有本根  
在和音猶期枝葉新

和男驚歲初韻寓感懷之意

往者不歸來者生忘私隨世問官程迎春梅洞人懷  
舊洞裡遺芳花有兒

次姪憲歲旦韻祝其遠大

新識梅和柳添色又添香羅峰風認跡翠蔭露垂傍  
度曲倉鷓轉執鞭丁馬揚妙齡春幾富歲歲地天長

梅邊讀史人日會  
國史館

架頭混漢倭筆下暗香過庾嶺伯顏馬難波和爾歌  
午之冬以來至未之春賀石二生相代侍坐每  
夜讀倭書以慰幽鬱且爲修國史之助一夕口  
占小絕授石生兼示賀生

萬斛愁積寸胸裏老衰猶不忌修史二生口換我雙  
睛一卷讀終一卷始

同前韻授璋氏兼示習也

七百餘年在這裏日夜勤勞校國史送迎循環冬又  
春官事有終又有始

春泰有歲旦之詩余今歲不和諸生詩然以彼  
初在江城逢春故強和示之  
滌雪呵冰毛穎輕文房相伴楮玄泓隅田川上問都  
鳥千里春風七字城

田童子頰乞其試毫之和強走筆以異焉

江山千里彩霞鮮童子若徒向案前北海雲遙望雁

陣東風日暖酌鶯邊彼兄植自去歲在若州故第三句及此

靈芝一莖授鷲子以祝其前程是 聖堂園中

所生也

草有靈芝是國祥紫莖秀出 孔堂傍宋皇勸學文

宜讀商叟遺歌壽亦長孟春二十六日

芝園春遊 二月十三日

復被東風勾引來涉園屢顧臥龍梅對花不愧老之

至知已知花三十回

春雨讀書 二月二十五日林憲席探得鼠字

和風透簾雨潤礎浙瀝唔啣相共語半惜日餘半見

花開戶閉戶兩端鼠

春日史館讀榮華物語有感作一絕以示柏郎

年年歲歲見花開，人是浮生不再回。  
道相榮華一場夢，春殘赤染彩雲臺。

又 寓激勵之意

昔語榮華競艷陽，今纂遺草綴文章。  
花開形管四十帖，壯士無輪一女郎。

暮春十二日讀耕弟忌日林塘老人夙來詣墳  
墓感其厚志不覺淚之下仍賦一絕謝之

人去去年移倍斷魂，春闌花謝與誰言。  
殘鶯不忘遺芳躅，猶逐東風啼故園。

三月十二日讀耕弟七回忌辰今朝雨降彌添  
感慨詣墓而作

連枝半折一枝殘，泣向墳前草露溥。  
無限悲風落花淚，七年春雨未曾乾。

伯即暫退史館登日光山作三絕餞之

四年史館彩毫馳，百里神山黑髮垂。  
行向薰風奏梅落，榴花五月是歸時。

史館公程官事均，風雲兩地送殘春。  
山靈憶昔如相問，萬卷堆中一老身。



聞此行携二弟仍每句用伶樂字以祝之

東遊一曲送神迎萬歲山呼頌太平伯仲填篲雲鳥  
向深林歌響奏還城

餞送詩既勸別楮又作二絕自嘆

登臨往昔利攸往老蹇如今難得遊想像寂光千尺  
瀑幸分一滴洗吾愁

隨翁携子幾攀躋官暇偷閑留舊題往事悠悠渾似  
夢山風吹寄數行啼

律詩一章送野秀士祇役于日光山

夏雲百里傲裝催到處奇峰眉目開官事埤遺隨國  
老祭儀窺見縮天台瀑流豈有徐凝洗溪口應無惠  
遠哈想像幽岩深樹際殘花未落待君來

丁未三月二十九日正當姬路故拾遺君三周

忌不堪追慕感慨太切漫裁小絕奉寄良嗣刑  
曹大卿君漏想像之情嗚呼感往事則硯滴亦  
淚筆露亦淚仰冀亮察

昔遊如夢淚潛然仰彼蒼天日月旋花逐春風開又  
落孝心不改既三年

八月五日之夜石生獨侍任口吐三十八字自

然韻聲不違乃授石生

夜坐無嫌更乏入筆放燈婢共相親燈前開口汝隨

筆添得候蟲鳴四隣

咸臨閣即景 仲秋七日

淒風半日遊坐了一林丘鐘暮身將去泉流心却留

候蟲知八月窟兔近中秋不有俗塵累閑閑水石儔

新雁 八月十日 龔 男 驚 新 居

漸漸自北寄南音八月雲衢秋未深行字自觀風地

跡連如陽晝斷如陰

村顧言省定之志不懈餘力學文之勤亦有焉

頃日幸遂筮仕之願有于祿之慶作一絕示之

千里尋師一介生秋場應試有芳聲既于水菽奉親

祿猶待學苗新熟成

本朝通鑑續編草成既至五十五卷其中自白

河帝承曆至近衛帝久壽二十一卷總七十九

年石習執筆乃奇其勤勞作側體一絕以示之

五朝事迹卷三七八十有年一握筆莫厭日日就勤

勞幸陪史館知遺逸

伯即侍國史館既及四年其際受余口授草旨  
長保至承保凡七十八年纂收為十六卷作一  
絕述其勤勞

二八卷中留墨痕晨來晝務去時昏吐言成跡六朝  
事健筆不乾柔舌存

小士崑歌

都築吉保求  
之三竹為价

貞觀英主太平後大中得見小太宗少陵謫仙大家  
鬼小杜小李詩味重眉山長公文章伯復有小坡繼

遺蹤姚魏繁華洛陽富小牡丹名屬芙蓉百尺清陰  
萬木長梁棟勢在一寸松駿蹄汗血千萬里渥注之  
兒欲化龍奇哉美哉一拳石天然匹如富士峰士峰  
至大不可移小崑携來席上供題名呼為小士崑一  
朶玲瓏愛情鍾意足何求小大異所取所玩同形容  
百里晴嵐莫言遠違顏咫尺不勞趾不望弱水三萬  
里對小蓬萊於這裏不隔十五州雲霧無陰無晴常  
顧誕鵬毳白白分於彼鹿兒斑斑窺于此彼其戴雪  
一老翁此其弄璋小孩子若夫指此稱弟妹要須呼

彼為兄弟良象為山為小石同類同氣同一揆休說  
莠苗似而非唯言山石似而是玩之不足莫喪志介  
立不轉可准擬丈夫之志堅於石道豈遠哉求諸邇  
名之為誰四明老主之為誰都築氏子苞作序節乎  
跋林叟拙歌亦云爾

鷺峰先生林學士詩集卷第七十二終

鷺峰先生林學士詩集卷第七十三

向陽續集二十一

或曰林氏寬文集  
寬文七年九月至同年十一月

丁未九月十三夜會菊廬追和藤博陸律詩韻  
肅霜初降月諸臨天冷氣澄爭可禁華域品題雖漏  
脫本邦俗習欲追尋婁星同宿中秋再團象幾望良  
夜今十二樓頭其上又一層雲翹闕之金

楠正成遺言正行圖

暨暨桓桓壯士姿忠言屬耳簾驟兒楠家節義堅於  
柏金石根生銅鐵枝

小絕一首示館生佐筠聊慰運筆之勞

延天治教認文章源盛平衰幾戰場數百年間飛鳥  
跡雁雙鴉隻墨行行

謝南生寄長安紅柳十顆

虬卵贈投珠十團遠來千里自長安鄉思孰與尊鱸  
味今亦秋風一樣看

虛谷

或人求尺八名名之云爾尺八之管中虛故聊做  
解谷之義也且添小絕一首

洞管豎吹高又幽笙簧簫笛可何求村謳一曲嘯風  
月孰與坡翁赤壁遊

示今江清長

故鄉千里幾雲山憶昔汝陪牕几間一夜三十餘歲  
話共忘壯貌變衰顏

傳附清長寄贈洛陽舊友五十川氏昆弟

憶昔同遊猶少年別來回首白雲天海東千里莫言  
遠淡水交通五十川

富士山圖

丁未之秋清長東來歸洛之朝示此圖乃走筆代  
彼述其所言以為韻語云爾

第一高山積雪堆其身頭髮漸皚皚神靈憐我我無  
恙行路嘗難十往來

太公垂釣圖

授二瀨邑長  
清長

巖頭寂寂一絲輕意釣空鈎寄老生桑城不遊遺恨  
否渭濱孰與鴨河清

聞田伯二生會整宇示一絕懷舊

相別相逢交不渝此談史館彼江湖主人二客今猶

昔昔同遊其一無

聞村顧言升詩科丁等示一絕益勵之

日月推移開落賞勉旃孫雪又車螢詩壇進步猶規  
祝科等在丁年亦丁

凌霞園

園中有樓  
有亭有門

凌霞凌霞徘徊于園出自海隅升賓朝暎曳而縷縷  
舉而軒軒紅綺以張錦繡以翻

凌霞凌霞登覽于樓回首而望極目而悠或淡或濃  
或明或幽片片簇簇如流如浮

凌霞凌霞眺吟于亭九光掩天五色涵溟機杼以織  
其緯其經照顏如丹醉而不醒  
凌霞凌霞樓遲于門夕陽分影踈月破昏赤氣如蒸  
紫液如噴植杖獨立把筆永言  
春風映兮行雁送歸秋天高兮孤鶩齊飛維花維楓  
萼葉相輝崑崙蓬萊仙以為衣可餐可飲壽域庶幾  
凌霞五章四章章八句一章十句

十月菊

十月九日  
生野端席

露出坤裳殘菊姿幽叢猶見散金來陶籬秋換趙衰

日復愛晉時花一枝

閱爐

同席得  
瓜字

一爐開席足温飽不求爨館費工巧熾炭擡起紅麟  
觴焙茶收拾蒼鷹爪

孟冬二十四夜應大澤昌信招賦一絕謝之末

句寓主人氏字

浴有沸湯盤有魚時雖陰慘却陽舒一身温飽忘寒  
了是亦太家恩澤餘

閑坐十子

硯

雲浮虹見魚躍龍吟滴而瀉海湛乎為滌

筆

束毛之尖管城以築走而不休退而頭禿

紙

積而成堆展則稍長太字細字十行千行

墨

松煤麝煤淋漓成痕帶文章印萬古永存

朱

分句而點入眼以明讀過易見人名地名

燈

一夜十年照徹古道淡淡而幽換月之皓

机

聖經賢傳開而尊閣歷史百家誓古曰若

爐

三冬之寒文史繙披對炭之獸忘手之龜

茶

玉川七椀橫渠一豎沸鼎鳴泉透喉嚼雪



侍史

口挽我眼汝手隨口侍坐夜闌過子及丑

丁未十月二十八日夜坐閑寂石生侍焉三更之後半起半臥倚枕而手把小管飲煙酒猶未就睡口授石生吟閑坐十子所謂侍史者石生也傲林下十二子有王子野之例

丁未仲冬朔偶作

我國陳蹤次第經校書千日眼終青墨痕滴盡中山酒史酌醉入猶未醒自甲辰仲冬朔國史館起筆至今且既三周故及此

煙酒歌

史館退休寢室裏我無美酒無芳茶小管煙酒伴夜坐非雲非霧又非霞一吸如洗唇邊腥二吸滿口漱齒牙三吸透喉散鬱滯四吸搜腸何物遮五吸齶斷喘息靜六吸彭豎不能哆七吸消遣作念慮腔子空洞自無邪米管米管百千吸吸而吞之吞又哇霏霏簇簇煙聚散孰與瀟湘暮景斜或淡或濃籠寒燈吟來如見霧中花縱其非藥更無毒素不佳味非可誇嗜而不搖飽不休慰寂抑憂送生涯何用世人翫茶

哭品爭奇論價妄言譁堪笑貴介集酒徒歌舞燕樂競  
豪奢嗚呼煙酒我戒汝莫媒少年好色家嗚呼煙酒  
汝利我驅逐睡魔讀書加

座右十具

閑坐十子既詠煙酒歌既成於是點檢座右則猶  
有可銘者乃表出十品以慰一夜之寂

韓筆大屏

唐宋詩句六曲一雙人歸韓土筆留我邦

倭畫小屏

清公馬雪仲九船月遣唐壯遊遺風徹骨

小刀

身是一蠹好文無武唯削誤字與筆為伍

印肉

詞出自口名貼於紙愁欲傳後不知遺耻

枕

不遊仙境非蝶非周唯夢去者醒則百憂

巾

不拘製法防風則足頭戴富山非雪則霧

杖

登升登亦少不步塵寰史館扶老朝往暮還

袋

腰間換鴈插帶而垂唯容丸藥不懸魚龜

柱曆

無卷無軸貼柱而視不問吉凶唯知分至

小童

拍手則來在右在左陪膳捧茶把茗茗火

寢室十物

座右十具已詠之猶有漏脫者復舉十品漫題之

長短刀

短者挾腋長者傍枕苟備不虞不敢離寢

野服

青色黑緣結紐不散聊倣古製長在身半

眼鏡

亂翳忽散細字亦大眸子之衰汝力依賴

鑷刀

鬢邊白毛拔則又生齡超潘岳才愧英明

煖耳帽

風穿耳朶包裹養保貂皮尺餘得自馬嶋

綿襖

掩身而臥不厭霜威皮裏春至笑侘妓圍

盥盤

起而洗頰闔窓向晨外穢雖除中心未新

鑊子

火熾於下水燂于中既濟未濟坎離交通

湯婆

不入春夢不唱餅焦臥床煖足忘却寒霄

筆生

我出從出我入俱入或畫俗文或寫家集

右十物詠畢榮清寫之於家集所謂筆生者榮清也就告汝勤而不懈則侍史之列可庶幾乎

匣中十用

尺

曲則乍斜直則自正匪帝寫字內省止敬

烏絲

透紙而明維縱維橫絲絲不亂行行自平

壓書鯨骨

長不盈尺堅而匪石鎮此楮國風吹不射

片牋

使乎使乎代口代奴字字細小寄入贈吾

粘紙

讀殘而起半開而掩粘著為限復坐易檢

雌黃

墨誤點畫朱違句讀林而正之染而不黷

袖裏年代記

冊包古今手握倭漢千歲戈干一覽以箋

聚分韻畧

雪月花鳥字城礎開平上去入四路之媒

畫家集

或牽時興或應人求不顧工拙把筆不休

目錄

史館之課積少至多昨已為昔今日亦過

丁未仲冬五日之夜口授石習作  
之日錄多是彼執筆故附與詩卷

謝八木高豐繼前志惠海鼠腸祖述感懷之情

寄賜一壺先獨嘗追懷往事淚行行時移物換人為  
昔滋味依然海鼠腸

又偶吟

晝在館中唯務公夜休書室自安窮鐘鳴日暮羣

僚散獨坐猶吹一朵缸

晝夜十聞

曉鷄

為利不取為善難及孳孳何為唯學而習

自鳴鐘

鳴四而入鳴七則出史館日日其期不失

晚炊鼎鳴

不求牢珍何貪萬錢一汁五菜三椀腹便

往還鏢聲

門前一道揚塵嘶風傍池直過不問館中

歸鳥鳴林

于飛而倦向晚啾啾人亦似鳥知時歸休

吠犬守夜

家無金玉兩庫皆書備不虞變吠吠洽諸

寒雁扶更

知時同叫成群共飛行行陣陣先後不違

障戶開闔

一戶之小動靜理備闔誓古今開指天地

護國華鯨

三更五更高吼響大戒我乃興驚汝而臥

侍生吾伊

不拘長少習與性成口授之暇並對燈檠

丁未仲冬十一夜村顧言侍坐賦十聞侍生乃顧言也

庭際十植

松林

枝葉成林風入奏琴近傍壇壁絃歌遺音

雙樅

亭立百尺葉秀四時松柏之外連歲寒枝

杉徑

百株並立一道連根曾遊想得三輪之門

竹藪

掩門而疊帶風自闕立則對月洗之看山

山茶

凌寒葉青誤雪花白對之怡顏踴而猶惜

枳陰

鳳兮不棲麕亦不眠牆角針細偷兒無穿

椿園

紅白滿朵何必仙家靈壽遮莫人皆玩花

枯木

立而欲僵枯而未朽借問一株半心存否

菊籬

秋過凋落方冬僅存胡蝶翎凍猶遶荒園

梅塢

花魁百卉先春而芳元氣初復月既一陽

丁未仲冬十二夜田植侍  
焉就彼石賦十植以授之

書中十玉

淮墳

水中之產蚌胎同類淮夷以貢禹車所載

楚珩

南國之珍傳而所保不誇佗那惟善為寶



荆山璞 荆山璞 荆山璞 荆山璞

未遇知己入泣山中連城之價待得良工

藍田玉 藍田玉 藍田玉 藍田玉

地以玉顯玉由地生維地維玉放光合明

南容白圭

圭猶可磨奈言之玷警之復之豈可不念

田文玳瑁

食客三千頭簪之飾華美誇人無益於國

梁園瓊樹

梁園瓊樹 梁園瓊樹 梁園瓊樹 梁園瓊樹

梁王之富頃刻雪消園客之賦瓊枝影遙

江南瑤珮

非牡丹富非芍藥奢清標一樹別有王家

合浦珠

南海之僻幸遇人傑珠去珠還與其高潔

寸陰璧

尺璧無用學則有功寸分可惜祿在其中

丁未仲冬十四日館休之後賀瑋侍焉燈下寂寥  
乃就彼諱詠十玉玉之有品其產不同地其事亦  
異時然皆無不在書中就想而考之感之戒之  
論之則豈其為無益哉况其瑋字亦其同類哉

窓中十見

海日

殘夜生光攪睡而眺漸漸瞳瞳更無私照

庭柯

枝葉高下密密亭亭佇立迴繞顏怡眼青

富士

塊蒼衆山卓立海表對乾坤大是亦爲小

遠帆

風煙片片雲浪渺渺千里日送飛揚如鳥

池島

池涵東嶽鳴移竹生四絃誰軋唯聞鳥鳴

暮雲

蒼狗疾走白衣高懸夕陽添色變態萬千

簾月

卷則偏好垂之亦詭清光浮動以漉以篩

星林

煌煌經緯列位照臨紫微宮外周衛如林

燭蛾

鶴峰詩集 卷七十三 十五終


微蟲奚自，赴燭傍臺來，則拂去拂而又來。

為書

字積成章，章積為行，字要方正，行督低昂。

已上十見丁未仲冬二入之夜任  
白賦之寫書者乃是寺尾吉通也

鶴峰先生林學士詩集卷第七十三終



文政憲庫

